



Protocol

Radunanza cumünala dals 12.12.2016

Presidi: Peer-Puorger Victor
Preschaint: 46 votantas e votants
S-chüsà: Ingün
Scrutinadurs: Andrea Pua e Linard Mayer
Protocol: Fallet-Taverna Marco

| tractandas | tema | responsabel |
|------------|------|-------------|
|------------|------|-------------|

- | | | |
|----|--|--|
| 11 | 011 Legislativa Acconsentimaint protocol | |
| 12 | 020 Administraziun cumünala Preventiv 2017 Quint curraint e quint d'investiziun | |
| 13 | 900 Impostas cumünalas Fixaziun pè d'impostas Pel on 2017 | |
| 14 | 011 Legislativa Varia (radunanza cumünala) | |

011 Legislativa

11 Acconsentimaint protocol

Il capo, Victor Peer, driva la radunanza e spordscha a tuots preschaints (46 votantas e votants) il bivgnaint. Specialmaing salüd'el a la manadra da finanzas, Patrizia Wieser ed a la manadra da scoula, Gianna Rauch Poo.

Il protocol da la radunanza dals 16 settember 2016 vegn approvà cun vusch unanim.

020 Administraziun cumünala

12 Preventiv 2017

Quint curraint e quint d'investiziun

Quint curraint

Il capo repassa il quint curraint cun tuottas gestiuns. Pro posts da divergenza in congual cul preventiv 2016 e quint 2015 dà il capo las infuormaziuns necessarias. Las votantas e votants han la pussibilità da far tanteraint dumondas sur dal tema. Il preventiv pro 2017 prevezza seguaint resultat:

Entradas da frs. 10'049'600.00 vers sortidas da frs. 9'223'600.00, uschè chi resulta ün guadogn da frs. 826'000.00. Las amortisaziuns sun previssas cun üna somma da frs. 1'008'300.00, dimena frs. 308'300.00 sülla facultà immovibla e frs. 700'000.00 amortisaziuns supplementaras. I po gnir quintà cun ün cash flow da ca. frs. 1'834'000.00.

La la radunanza approva cun vusch unanim il preventiv dal quint curraint 2017.

Quint d'investiziun

Il manader tecnic, Albin Paulmichl, preschainta e repassa quel dond las infuormaziuns bsögnaivlas. Il quint d'investiziun prevezza entradas da fr. 576'200.00 e sortidas da fr. 3'201'500.00, quai chi lascha resultar üna somma da frs. 2'625'300.00 d'investiziuns nettas.

Seguaints progets plü relevants sun previs;

| | |
|---|-----------------|
| Nouv s-chodamaint chasa da scoula a Strada <i>Il manader tecnic, Albin Paulmichl, spordscha via Power-Point, üna survista detagliada da conguals per quist proget. Il s-chodamaint da zipplas sto gnir rimplazzà. La varianta la plü favuraivla a lunga vista (frs. 123'000.00 damain) es quella d'ün s-chodamaint da pumpa da chalur cun fouras geotermicas – quai eir sco masüra per spargnar bler'energia</i> | frs. 305'000.00 |
| Planisaziun via Plan da Muglin | frs. 130'000.00 |
| Sanaziun infrastruttura Salina-Bargia | frs. 927'000.00 |
| Proget forestal sanaziun vias da god | frs. 155'500.00 |
| Proget forestal sanaziun repars Martina | frs. 150'000.00 |
| Cumprita da terrain illa zona da mansteranza Plan da Muglin <i>Quel terrain as rechatta in üna zona da mansteranza. Uschè spordscha il cumün pussibilitats a la mansteranza - quai sco masüra da promoziun da l'economia</i> | frs. 413'000.00 |

La radunanza approvescha il preventiv d'investiziun cun vusch unanim.

Il quint previs pel 2017 prevezza ün resultat per ca. frs. 700'000.00 damain entradas. Il capo dà amo alchas infuormaziuns lasupra. Ils motivs principals sun:

Chal dals fits d'aua, chal da l'imposta da l'Acla da Fans, damain contribuziuns chantunales (pustüt sül sector da scoula e davart l'egualisaziun da finanzas), damain entradas d'impostas.

900 Impostas cumünalas
 13 **Fixaziun pè d'impostas**
 Pel on 2017

Il capo manzuna, cha la situaziun finanziaria da nos cumün saja buna. In avegnir as fa però prevalair ün chal da las entradas, uschè cha la suprastanza propouona a la radunanza da laschar il pè d'impostas sco ch'el es, dimena sün 95% da l'imposta chantunala simpla. La radunanza approva la proposta cun vusch unanima e fixa il pè d'impostas sün 95%.

011 Legislativa
 14 **Varia (radunanza cumünala)**

Da la tractanda Varia nu vain fat adöver.

A las 21:35h serra il capo la radunanza ingrazchond pella cumparsa e pella via partecipaziun. El giavüscha a tuots ün bun arriv a chasa sco eir ün ventüraivel temp d'Advent e bellas Festas.

7556 Ramosch, 14.12.2016



Il capo:

Il manader administraziun: